

「國家社會科學基金重大項目」

何建明 主編

中國地方志
佛道教文獻匯纂

人物卷

(49)



國家圖書館出版社

【國家社會科學基金重大項目（11&ZD119）】

中國人民大學佛教與宗教學理論研究所

何建明 主編

中國地方志
佛道教文獻匯纂

人物卷

（49）



國家圖書館出版社

中國地方志佛道教文獻匯纂·人物卷
浙江省 台州市

臨海縣志

張寅等修 何奏簧纂

民國二十四年（一九三五）鉛印本

臨海縣志稿卷之二十八

方外

道

漢

茅盈咸陽人字申叔於龍顧山駕鶴上昇按茅山記云盈漢景帝時人其高祖濛字初成秦時至華山飛昇先是有童謠曰神仙得道茅初成駕龍上昇入太清時下元洲戲赤城繼世而往在我盈帝若學之臘嘉平盈年十八委家學道詣南嶽上真西城王君受道道成命爲太元真人領東嶽上真卿司命真君至哀帝元壽元年乘雲駕龍至大霍赤城玉洞之府見道史屬辭叔申馭鶴注及

臨海圖經

嘉定赤城志

徐公郡人居山鍊御功成以鐵椎刺穴有白鶴自石鼓飛出駕之上昇見道史屬辭按郡國志云漢末有徐公知於此山成道控鶴而去意其人也

吳

葛元字孝先丹陽人洪之從祖初在赤城後入括蒼蓋竹等處遇三真人授以秘訣符籙戲幻之術無不通曉吳赤烏七年尸解而去爲太極左仙公政和中封沖應真人見高道傳

嘉定赤城志

晉

許邁一名元字遠游隱蓋竹山塵外記云蓋竹山有洞仙人許遠

游居之又見晉書眞誥

嘉定赤城志

梁

彭先生鄭姓名元字子陰多鬚缺前齒左頰有赤痣常往來臨海燒山中以觀人情及修道者蹤跡詭異不常得見也

冥通記

唐

王遠知上元中道士善易於觀感間曲盡微妙善知人生死禍福作易總十五卷世秘其本一日因曝書雷雨忽至陰雲騰沓直入臥內雷殷殷然赤電繞室暝霧中一老人下身所衣服但認青翠莫識其制也遠知再拜伏地若有所待老人叱起怒曰所泄者書何在上帝命吾攝六丁雷電追取遠知方惶懼據地起旁有六人

青衣已捧書立矣老人責曰上方禁文自有飛天保衛玉笈金科
秘藏元都汝是何者輒泯藏湘帙據有所得實以告我遠知戰悸
對曰青邱元老以臣不逮故傳授焉老人頤頤頃曰上帝敕下汝
仙品已及於壽度期展二十四年二紀數也遠知拜命次旋風颶
起坼帷裂幙時已二鼓明月在東星斗燦然俱無影響所取將書
乃易總耳頗自失後閉戶不出人窺之但聞勸酬交歡不知爲誰
也光宅中召至京玉清安泊問式逃去如此者數次天后封紫金
光祿大夫但笑而不謝一日告殂遺言屍赴東流湍水中天后不
允勅葬開明原上後長壽中有台州人過海阻風飄蕩不知所止
忽見畫船一葉渺自天末來驚視之乃遠知也漸相近台人拜而

呼之遠知曰君涉險何至於此此洋海之東十萬里也台人問歸計遠知曰借子迅風一夕可到登州爲傳語天壇觀張光道士台人既辭去舟回如飛羽但覺風習習而過明日至登州方知遠知死亡久矣訪天壇道士其徒云死兩日方驗二人皆仙去

龍城錄

五代

朱霄外居白雲菴善河圖悉緯持其法嚴甚錢忠懿王給驛以進錫賚一不受館於都廣順初謝歸乃葺庵爲觀居之今棲霞宮是也按崇道觀藏殿有題梁云吳越兩街道統天台道門威儀棲真明德大師通元先生正一天師特進檢校太傅守太保上柱國吳郡開國公食邑一千五百戶朱霄外建

嘉定赤城志

宋

張伯端字平叔纓絡街人幼時無書不讀肄業辟雍不第熙甯中

陸公龍圖銳鎮成都迺依以遊蜀任四川節度使安撫司參議宿

於天回遇異人並改名用成授以丹訣

赤城志作丹誠

歸卽以所得粹成

秘訣八十一首號悟真篇後以事觸鳳州太守怒坐黥竄經由邠

州杏林驛道人扶風石泰告於邠守乃獲免卽以丹訣授泰後依

荆湖陸處厚成道淳熙中其家早起忽有一道流踞主席而坐叩

其家事甚歷歷會其孫他出乃去人以爲用誠之歸云

嘉定赤城志參悟真

篇本傳及序

案舊志載平叔爲府吏性嗜魚在官辦事家送膳至衆匿魚戲之平叔疑婢所竊扑婢婢自經死他日蟲自梁間下驗之魚也平叔

賦詩云刀筆隨身四十年是非非是萬千一
家飽煖千家怨半世功名百世愆紫綬金章
今已矣芒鞋竹杖任悠然有人問我蓬萊路
雲在青山月在天縱火焚所署案卷由是得
罪械至百步溪仙去而嘉定赤城志不載其
事未知所本其詩則至順間福建廉訪使密
蘭沙求仙之作見葉奇草木子案平叔入蜀
以後足跡並未回台其竄竄則在陝西其化
去則在荊湖何有百步溪屍解事今據悟真
篇卷首本傳及赤城志載入并刊其謬如右

蛇姑不知何許人居後嶺之巔樵者見之以告居人忻生生往訪焉見庵畔有一蛇護守遇不善人至則逐之故號蛇姑邑人張得一往謁姑授之訣曰心湛湛而無動氣綿綿而徘徊精涓涓而轉運神混混而往來張矍然解悟遂游方不歸矣

赤城志

黃永乾居天慶觀一日解化後半月有州快足回自金陵於道中解后敍問款密且俾寄音觀中道舊暨歸則知以其日尸解矣見

道史屬辭

嘉定赤城志

張日損亦天慶觀道士事見三官堂記

赤城志

屈元應邑道士范文正仲淹表友人王君墓言屈深於易且善鼓

琴蓋祥符初嘗與范過從者也

嘉定赤城志

明

吳棲霞太平二十都消村人居郡城棲霞宮天旱衆請禱雨吳以

天譴不能多求隨持呪囑云行雨三分寄雨一分寄往太平二十

都中是年消村藉此有秋

太平志

釋

東晉

懷玉高姓今樓石村其所居也號高玉禪師居方山運水遠溪忽

見一父老曰庵前石下有泉也玉舉錫迸湧盈尺乃入天柱山卽

今湧泉延恩寺

嘉定赤城志

樂天台山志引統紀云懷玉丹邱誦淨土諸經精苦至四十年一日見西方聖衆有擎銀臺而至師曰如我本望必得金臺言發而臺隱三七日後向人復來曰法師已得上品生忽異光照室越三日晝偶御臺而去台州殷刺史有詩贊曰我師一念登初地佛國笙歌兩度來惟有門前古槐樹枝低祇爲挂金臺與赤城志所載不同

齊

慧明姓康康居人祖世避地於東吳明少出家止章安東寺齊建元中與沙門共登赤城山石室見猷公尸骸不朽而禪室荒蕪高蹤不繼乃雇人開翦更立堂室造臥佛并猷公像於是栖心禪誦畢命枯槁後於定中見一女神自稱呂姥云常加護衛或時有白

猿白鹿白蛇白虎遊戲階前馴伏宛轉不令人畏齊竟陵文宣王
聞風祇挹頻遣使殷勤敦請乃暫出京師到第文宣敬以師禮少
時辭還山苦留不止於是資給發遣以建武之末卒於山中春秋

七十

天台
山志

陳

灌頂吳姓字法雲始生三月能隨母稱三寶名有僧過門謂其母
曰此子非凡因以灌頂爲名七歲入攝靜寺依慧拯出家日記萬
言年二十受具戒天縱慧解一聞不忘陳至德初謁智者於修禪
寺稟受觀法研律既久頓蒙印可因爲侍者隨所住處所說法門
悉能領解禎明元年隨智者止金陵光宅聽講法華隋開皇十三

年夏受法華玄義於江陵玉泉十四年夏受圓頓止觀於玉泉至
於餘處講說聽受之次悉與結集大小部帙百有餘卷傳諸未聞
師之功也師著涅槃玄義二卷疏二十卷時隋末兵興寇盜羣起
師自序云推廣聖文凡歷五載何年不見兵火何歲不見干戈菜
食水齋冰牀雪被其勞苦有若此者疏成烈火焚之不爇師晚年
於會稽稱心精舍講說法華時人讚之有誇朗籠基超雲邁印之
語唐貞觀六年八月七日終於國清寺壽七十二臘五十二先是
貞觀元年同學智晞臨終曰吾生兜率見先師智者寶座行列皆
悉有人唯一座空彼天人曰卻後六年頂法師來昇此座計歲論
期審晞不謬吳越王請諡爲總持尊者

天台方山外志
引佛祖統紀

隋

智操邑人張氏初投安靜寺出家聞國清智顗名卽往受業見鬼不懼食毒不傷大業後前後八入參覲每加異禮唐貞觀間入滅

天台山
方外志

智晞潁川人陳氏受智顗禪訣研心不倦初智顗勸沿江居民爲放生池未久復行漁捕晞與章安焚香呪願有漁人見僧立憺意謂墮水者乘舟往救忽不見居人覩驗遂停採一日羣獸衆鳥翔集東山銅鐘忽響震山谷師曰此召我也跌坐執如意說法良久寂然衆泣復啓目誠曰有生不滅甯足爲悲忽聞絃管之聲卽跌

坐而化

方外志
參府志

智越邑人

方外志府志
俱作南陽人

出家遊方至金陵遇智者北面受業五門

六妙莫不深達嘗誦法華經瓶水自盈居霞山精舍晚歸台嶺付

以四衆二十年間循循善誘德量寬曠學者歸心大業十二年

赤城

志作十三年

十一月二十三日終國清寺告衆爲別天雨異花一境冥

晦

赤城志
參府志

唐

幼璋夏侯姓相國孜之猶子遊天台感異人語於靜安鄉創福田

院今慧峯也後守駱延訓命居靈驚人死於飢璋聚骸以葬錢武

肅王嘗夢一僧形觀甚偉寤求之不獲後圖形至此處乃璋也諡

之歸國號至德大師

嘉定赤
城志